

衢州文獻集成

〔史部〕

第
87
冊

衢州文獻集成

黃靈庚 諸葛慧艷

主編

〔史部〕

第
87
冊

國家圖書館出版社

第八七冊目錄

天台山方外志三十卷（卷十一至三十）

（明）釋傳燈纂
明萬曆刻本

.....

天台山方外志卷第十一

金湯考第十三

嘗謂聖人之設化於世間也其捨醫師之處方藥乎蓋人之病也有淺深之分藥之品也有貴賤之異故醫之師也有僊凡之別淺病者四百四病也深病者死生大患也賤藥者金石草木也貴藥者九轉還丹也世之凡醫惟知用凡藥以醫淺病若僊醫者以僊丹治之非惟愈病延年又得長生不歟但世人嗜利欲者多尚清虛

者少見張仲景王叔和或見禮以過勤逢章老
師孫思邈或詬辱而至極者亦有之也苟非有
力大人爲之左右將使逐其師坑其徒而焚其
書矣不忠不孝非禮非義非淺病之謂乎三綱
五常非凡藥之調乎灰生哀慼非淺病之謂乎
常樂我淨非僊丹之謂乎僊醫者非如來之謂
乎清淨法行經云我遣三聖化彼眞丹月光菩
薩彼稱頌回光淨菩薩彼稱仲尼迦葉菩薩彼
稱老子先以世法而開導之則孔老皆僊醫也

第對淺病者言之爲凡醫耳何獨人乎卽綱常
之法在有道者觀之未嘗異乎佛法故法華經
說得法華三昧者一切治世語言資生業等皆
順正法皆與實相不相違背第對治世間病且
云世間法也故世間法只治世間病若出世間
法者能治死生之大患又能治世間之淺病也
如婦人化俗五戒仁者不殺義者不盜禮者不
淫智者不飲信者不妄五常行而三綱正孰謂
佛法不兼儒法乎惟其出世間之法將以昇濟

神明復還大覺非夫積以歲月工夫疑心禪定
專其慧照則死生根本不能遏絕故如來首嚴
之以戒律於不殺也豈獨遠庖厨離聞見卽殺
機亦所當斷也於不盜也豈惟不與取一針草
雖盜心亦所當滅也於不婬也豈惟遠邪正男
女色雖婬機亦所當寂也於不妄也豈惟言有
信離綺飾雖妄機亦所當盡也如此之戒必出
家者之能事有家累者非其分矣蓋出家之戒
必使輕重俱斷皎若冰霜禪定智慧自然發現

經云戒能生定定能生慧此之謂也是以拜辭
父母捐棄妻子剷除鬚髮不事飾好非背恩也
將以昇濟二親於道德也非絕後也將以紹隆
法王之覺胤也非毀父母之遺體也將以杜絕
其染緣也非甘其麤糲也將以斷多欲多求之
心也今說者必以是而歸罪于釋子又何異以
毀形歸罪于秦伯絕嗣歸罪于夷齊衣冠歸罪
于神農乎且如來之所說道者大公至正之道
也卽含生本有之真心雖在聖不加在凡不損

良爲私惑所覆物欲所昏生滅不停使蔽其真
常往來無住使病其圓滿昏動待謝使喪其明
靜苟非捨俗出家則戒何由而淨定慧何由而
生譬如精金非假百鍊古鏡不借重磨何以爲
良器鑑妍醜哉今論者又每以自私少於釋氏
不知佛學之自私者乃自覺也公天下之大本
也蓋必自覺然後覺人亦猶伊尹天民先覺以
斯道覺斯民之謂也亦大學之道在明明德之
謂也第佛學之新民者非止於使民人正三綱

立五常而已將使天人共導凡聖同超彼我無殊冤親平等皆躋正覺之場共遊解脫之海所謂不令一人獨得滅度皆以如來滅度而滅度之故須先以神通駭動次以智辯宣敷應以佛身得度者卽現佛身而爲說法應以菩薩支佛羅漢天龍八部國王宰官居士長者男女等身得度者皆示現之而爲說法如是覺他新民者其用大故自覺明德也其體淡苟非然者何異以未完不固之舟濟多人於惡海自他俱溺其

理必然是故吾見世之稱聖者人道而已矣在
此而未必在彼能人而未必能天於其生也譬
若懸疣於其少也同歸朽壤未若釋迦之光明
寂照遍於恒沙金相真嚴神通妙用示生示滅
掩肉眼之蔽常不去不來契那伽之妙定然如
來之悟也悟凡夫之迷凡夫之迷也迷如來之
悟而人者不貴已靈埋沒佛性反乃罪其類異
恒人言殊常典遽欲民其人而火其書非得有
力大人爲之金湯將使其輩無噍類矣是以魏

武帝佛法未三四年而文成大興之周武滅佛
法不五六年隋文帝大興之唐武滅佛法不一
年而宣宗大興之宋徽宗欲滅佛法後爲宰臣
惡諫而意爲之少回後復大興之以佛道慈忍
雖有神通威權而不爲之故佛昔於靈山會上
以法囑累國王大臣爲之匡護非有私於子孫
也使佛法得行於世間含生同躋於壽域耳惟
爲吾徒者益當堅其道力以清淨自居庶紹隆

三寶陰翊

皇化以副金湯之德可也其或竊佛形服內蠹
教法又非金城湯池所能固矣

釋

陳宣帝

第四主諱顓字紹世智者大師初至金
陵儀同沈君理請任瓦官寺開法華經

題帝勅一日停朝事公卿畢集後智者大師
欲往天台帝有留勅復於大建九年台山失
稔帝有割始豐縣
調勅見文章志

永陽王

諱伯智字策之文帝第八子至德初為
東陽刺史請大師出鎮開講致書者三

師遂往王與子湛家人同稟菩薩戒執弟子
禮畫時講說夜習坐禪講事將解立汰名曰
靜智製厥文設大會度人出家鑄大士像師
謂門人智趣曰吾欲勸王修福讓禍越日府

孫無舊必稱寒熱師曰息世談嫺亦復爲喜
後王出遊隆馬將絕師爲率衆行觀音儀法
遂覺微醒寃几而坐見一梵僧手鉢
香爐遶王一匝香氣徘徊痛惱頓釋

少主

諱叔寶字元秀大建十四年宣帝崩卽位
敗元至德額問羣臣曰釋門誰爲名勝徐

陵對曰瓦官禪師帝遂仗三使更勅永陽王
敦請延上東堂四事供養禮遇殷勤立禪衆
於靈曜開釋論於太極又講仁王般若百座
居左伍等居右帝於廣德殿謝曰非但佛法
仰委亦願示所
不及具文章志

皇太子

諱淵後主子也至德四年正月十五日

大師傳香在手臉下垂淚爲立名曰善萌及
後爲隋所破方悟垂淚者讖自傷也善萌者
不成材幹也禎明三年正月隋破陳兵士叩
關而入時太子年方十五安坐勞之曰戎士

在路不致傷乎三月隨
後主人隋不知其終

徐僕射

徐陵字孝穆東剡人母臧氏夢五色雲
爲鳳集左肩上已而誕年數歲家人携

以候沙門實誌摩其頂曰天上石麒麟也光
宅雲泐師見而歎曰顏回之儔也八歲善屬
文少仕於梁陳大建中官至尚書左僕射嘗
夢其先人曰智顗禪師是吾夙世宗範汝宜
一志事之陵奉冥訓資敬盡節叅不失時拜
不避濕每蒙書疏則洗手焚香冠戴三禮屏
氣啓封對文伏讀儀同沈君理請開泐葦陵
預聽席謂餘年得逢妙說致書自慶後對大
師立疏發五願云弟子思出樊籠無由羽化
既善根微弱冀願力莊嚴云憑此善心以策
西暮陵後身果爲泐華第六祖嗣章安之位
陳後主在東宮召陵講大品義學名僧自遠
雲集陳旣破嘗隨智者研精泐嬰晉王求淨
名義疏大師續爲撰成二十八卷陵與柳顧

言金應奉文

義見文章考

陳參軍

陳鍼智者之兄為梁晉安王中兵參軍

年四十僭人張果相之曰叔行替月卿

令行方等懺鍼見大堂門牌曰陳鍼之堂後

十五年當生此處果後見鍼驚問曰君服何

藥答曰但修懺耳果曰若并道力安能超成

竟延十五年而終智者當為撰小止觀咨受

修習夙夜不忘

蔣大中大夫

名添

吳儀同公

吳明徹二公皆陳朝寶重同稟息法

愈之

愈矣

沈儀同公

沈君理字仲倫吳興人尚陳武帝女

會稽長公主位儀

同受大師菩薩戒

製跡請任瓦官開法華經題宣帝勅停朝一日令羣臣往聽仍請一夏割釋玄義道俗俱

一會開悟為多

王侍中

王固字子堅陳光大初為侍中進金紫光祿大夫終身不茹

佛典嘗聘魏因宴饗請停跪拜若謝又宴昆湖池魏

網畧固以佛法禁之一鱗華於瓦官固預法會即坐

徐祭酒

徐克字孝官至國子祭台放生碑文人傳為酒撰天

孔侍中

孔熈字休文好學善吏部尚書八年加侍

法華經題煥預聽席俱服戒香同食妙法

毛尚書

毛喜字伯武榮陽人少好學長草隸陳宣帝即位除給事黃門侍郎後加御史